



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1863

LXIII. Des Bischofs Ludwig von Brandenburg Bestätigung der Incorporation
der in seine Diözese gehörigen Pfarrkirche zu Loburg in eins der vom
Erzbischof Otto neuerrichteten Lectoral-Canonicate bei ...

Nutzungsbedingungen

[urn:nbn:de:hbz:466:1-55861](https://nbn-resolving.org/urn:nbn:de:hbz:466:1-55861)

LXIII. Des Bischofs Ludwig von Brandenburg Bestätigung der Incorporation der in seine Diözese gehörigen Pfarrkirche zu Loburg in eins der vom Erzbischof Otto neuerrichteten Sectoral-Canonicate bei der Domkirche zu Magdeburg, am 13. Januar 1341.

Lodewicus, dei gratia Brandenburgensis Ecclesie Episcopus, Vniuersis christi fidelibus tam presentibus, quam futuris Salutem et sinceram in domino Karitatem, petitio venerabilis in christo patris et domini Ottonis, sancte Magdeburgensis Ecclesie Archiepiscopi, nostri amici sinceri, nobis oblata continebat, qualiter Ecclesia sua propter defectum ministrorum in diuino cultu diu grauem perpessa fuisset et sustineret defectum; vnde frequens in eadem Ecclesia et Ciuitate turbatio nascebatur et scandalum in populo in diuinam non immerito propter hoc formidabat vltionem. Quibus ipse pastoralis sollicitudine maturius occurrere desiderans diuersis tractatibus et deliberatione competenti prehabitis cum consilio et consensu honorabilium virorum prepositi, decani et Capituli sue Ecclesie Magdeburgensis quoddam prebendas pro dyaconibus et Subdyaconibus, Canonicis ad easdem eligendis de nouo fundauit et instituit ipsisque parrochiales Ecclesias incorporatas eidem Capitulo incorporandas decreuit, Inter quas parrochiam Ecclesiam in loburch, nostre dyocesis incorporatam dicto Capitulo, cuius presentatio ad eundem dominum Archiepiscopum pertinet et dispositio, prebende dyaconali, quam Honorabilis vir Johannes de Rysne, Canonicus Ecclesie Magdeburgensis possidet, incorporandam deputauit Ita, quod vicarius perpetuus instituat in eadem, qui curam recipiet et exerceat animarum Cuique competens sustentatio iuxta decetiam sui status referuatur, prout in litteris super hiis confectis latius dicitur contineri. Nos igitur suis iustis desideriis et petitionibus pro incorporatione et vnione huiusmodi beneficiorum nobis oblati benigno concurrentes affectu et vtilitate ac necessitate prefate Ecclesie diligenter pensatis habitoque sapientum consilio cum voluntate et consensu Honorabilium virorum prepositi, prioris et Capituli nostri Brandenburgensis et prepositi litzkenis Ecclesiarum, Archidyaconi dicti loci, in dei nomine dictam Ecclesiam in loburch auctoritate nostra ordinaria dicte prebende incorporamus et vnimus cum omnibus fructibus, redditibus et Juribus ac pertinentiis suis pleno Jure sub hac forma, quod Canonicus prebendam dyaconalem habens predictam duodecim marcas argenti Stendaliensis, Magdeburgensis ponderis uel equiualentis, singulis annis percipiet, quas vicarius perpetuus eiusdem Ecclesie sibi in duobus terminis anni scilicet Martini et walburgis, ministrabit et persoluet. Idem vero perpetuus vicarius, qui inuestiri debeat et curam recipiet et exercebit animarum, quotiens oportum fuerit, residuos fructus, oblationis, redditus et obuentiones supradicte Ecclesie pacifice percipiet et possidebit pro oneribus cure supportandis et seruitiis, subsidiis uel decimis et aliis expensis consuetis et debitis faciendis et soluendis. Quem quidem vicarium predictus Canonicus, quotiens Ecclesiam vacare contingeret, presentabit, prout per dictos dominum Archiepiscopum et Capitulum suum statutum existit et ordinatum, per hanc quidem incorporationem et vnionem nobis et nostris successoribus ac archidyacono loci et aliis, quorum interest, in suis Juribus, priuilegiis et libertatibus nolumus nec intendimus quouis modo derogari. In quorum testimonium et munimen presentes litteras conscribi et nostro ac Capituli nostri et prepositi litzkenis predictorum sigillis fecimus figillari. Et nos Tidericus, dei gratia prepositus, wilkinus, prior, et Capitulum Brandenburgensis et Hinricus, dei gratia prepositus litzkenis Ecclesiarum predicti nostra sigilla in signum nostri consensu presentibus litteris duximus apponenda. Datum anno domini Millesimo Trecentesimo Quadragesimo primo, ipso die octauo Epiphanie.

Nach dem Original mit drei anhängenden beschädigten Siegeln h. N. Erzstifts Magdeburg XIX, 25 im königlichen Prov.-Archiv zu Magdeburg.